

আশ্রয়ণ-২ প্রকল্প

ভূমি

১৯৯৭ সালে দেশের দক্ষিণ পূর্ব জেলা কক্সবাজারসহ উপকূলীয় পার্শ্ববর্তী এলাকা ঘূর্ণিঝড়ে ব্যাপকভাবে ক্ষতিগ্রস্ত হয়। মাননীয় প্রধানমন্ত্রী শেখ হাসিনা ঐ এলাকা সফরে গিয়ে ক্ষতিগ্রস্ত মানুষের অসহায়ত্ব দেখে ব্যথিত হন। তাদেরকে নিজ পায়ে দাঁড় করানোর চিন্তা থেকে এ প্রকল্পের ধারণা উদ্ভূত হয়। ঘূর্ণিঝড় আক্রান্ত ও নদী ভাঙ্গন কবলিত ভূমিহীন, গৃহহীন ও ছিন্নমূল পরিবার পুনর্বাসনের লক্ষ্যে ১৯৯৭ সালে “আশ্রয়ণ” নামে একটি প্রকল্প গ্রহণ করা হয়। সম্পূর্ণ বাংলাদেশ সরকারের অর্থায়নে ৫ বছরে (১৯৯৭-২০০২ সময়কাল) এ প্রকল্পের মাধ্যমে ৩০০.০০ কোটি টাকা ব্যয়ে প্রায় ৪৭,২১০ টি পরিবার পুনর্বাসন করা হয়। প্রশিক্ষণ, স্বপ্ন, শিক্ষা, স্বাস্থ্য এবং পরিবার পরিকল্পনা কার্যক্রম গ্রহণের মাধ্যমে পুনর্বাসিত পরিবারসমূহকে প্রশিক্ষিত করা হয় এবং জাতীয় অর্থনীতির মূলধারায় এসব ভূমিহীন, গৃহহীন, ছিন্নমূল, অসহায় মানুষকে সম্পৃক্ত করা হয়। এটি একটি সমন্বিত দারিদ্র্য বিমোচন প্রকল্প।

আশ্রয়ণ প্রকল্পের ধারাবাহিকতায় ২০০২ সালে ৬৫ হাজার ভূমিহীন, গৃহহীন, ছিন্নমূল, অসহায় পরিবারের দারিদ্র্য বিমোচনের লক্ষ্যমাত্রা অর্জনের উদ্দেশ্যে আশ্রয়ণ প্রকল্প (ফেইজ-২) নামে একটি প্রকল্প গ্রহণ করা হয় যা, জুলাই ২০০২ সালে শুরু হয়ে ডিসেম্বর ২০১০ এ শেষ হয়েছে। সিআইসিটি ব্যারাক নির্মাণপূর্বক ৫৮,৭০৩ টি পরিবারকে এই প্রকল্পের মাধ্যমে ইতোমধ্যে পুনর্বাসন করা হয়েছে।

বর্তমানে ৫০ হাজার ভূমিহীন, গৃহহীন, ছিন্নমূল অসহায় দরিদ্র পরিবার পুনর্বাসনের লক্ষ্যে আশ্রয়ণ-২ (জুলাই ২০১০-জুন ২০১৭) নামে একটি প্রকল্পের কার্যক্রম চলছে। বর্তমান প্রকল্পে উপকূলীয় / ঘূর্ণিঝড় প্রবণ এলাকার জন্য পাকা ব্যারাক ও অন্যান্য অঞ্চলের জন্য সেমি পাকা ব্যারাক এবং উপজাতীদের জন্য তাদের কৃষ্টি, সংস্কৃতি, রীতিনীতির সাথে সামঞ্জস্য রেখে বিশেষ ডিজাইনের গৃহ নির্মাণের ব্যবস্থা রাখা হয়েছে। এছাড়া বিভাগীয় সদর, রাজউক, বিভিন্ন সিটি কর্পোরেশন এলাকা, জেলা ও উপজেলা সদর এবং পৌরসভা এলাকায় বহুতল ভবন নির্মাণ করার সিদ্ধান্ত গৃহীত হয়েছে। খাস জমির দুষ্প্রাপ্যতার কারণে গ্রামাঞ্চলে যাদের জমি আছে, কিন্তু ঘর নির্মাণের সামর্থ্য নেই, তাদের নিজস্ব জায়গায় প্রতি ইউনিয়নে কমপক্ষে একটি করে প্রায় ৪ হাজার পরিবারের জন্য আধা পাকা ঘর নির্মাণ করার সিদ্ধান্ত গৃহীত হয়েছে।

লক্ষ্য

আশ্রয়ণ প্রকল্পের লক্ষ্য হচ্ছে ঘূর্ণিঝড়, বন্যা, নদীভাঙ্গন ইত্যাদি প্রাকৃতিক দুর্যোগ কবলিত বাংলাদেশের ভূমিহীন, গৃহহীন, ছিন্নমূল, অসহায় মানুষের জন্য জমি, বাসস্থান, প্রশিক্ষণ, স্বপ্ন, স্বাস্থ্যসেবা, পরিবার পরিকল্পনা, আয়বর্ধক কার্যক্রম, বিশুদ্ধ খাবার পানির সংস্থান, বিন্দুৎ সরবরাহ, যাতায়াত ব্যবস্থার উন্নয়ন ও বৃক্ষরোপণের সুবিধা প্রদান করে দারিদ্র্য বিমোচন করা। এই প্রকল্পের অধীনে পুনর্বাসিত পরিবারের প্রাপ্তবয়স্ক সকল সদস্যদের প্রশিক্ষণ প্রদানের মাধ্যমে দক্ষতা উন্নয়ন, মানব সম্পদ উন্নয়ন এবং সচেতনতা সৃষ্টি করা হয়। পুনর্বাসিত পরিবারসমূহের প্রত্যেক পরিবারকে সর্বোচ্চ ২০ হাজার টাকা ক্ষুদ্র ঋণ প্রদান করা হচ্ছে।

উদ্দেশ্য

- ভূমিহীন, গৃহহীন, ছিন্নমূল, অসহায় দরিদ্র জনগোষ্ঠীর পুনর্বাসন;
- ঋণ প্রদান ও প্রশিক্ষণের মাধ্যমে জীবিকা নির্বাহে সক্ষম করে তোলা;
- আয়বর্ধক কার্যক্রম সৃষ্টির মাধ্যমে দারিদ্র্য দূরীকরণ।

লক্ষ্যমাত্রা অর্জনের জন্য যা যা করা হয়

- (১) ভূমিহীন, গৃহহীন, ছিন্নমূল, অসহায় জনগোষ্ঠীকে পুনর্বাসন করার উপযোগী খাসজমি, রিজিউমকৃত জমি, দানকৃত জমি এবং সম্ভাব্য ক্ষেত্রে ক্রয়কৃত জমি চিহ্নিত করে আশ্রয়ণ প্রকল্পের স্থান নির্বাচন।
- (২) আশ্রয়ণ প্রকল্পে পুনর্বাসন করার জন্য উপজেলা পর্যায়ে সরকার অনুমোদিত নীতিমালা মোতাবেক ভূমিহীন, গৃহহীন, ছিন্নমূল, অসহায় পরিবার বাছাই।
- (৩) প্রকল্পের অনুমোদিত প্রাক্কলন ও নব্বা অনুসারে আশ্রয়ণ প্রকল্পের জন্য নির্বাচিত স্থানের ভিটি প্রস্তুত ও গৃহনির্মাণ করে বাছাইকৃত পরিবারসমূহ পুনর্বাসন। পুনর্বাসিত ভূমিহীন, গৃহহীন, ছিন্নমূল, অসহায় পরিবারের স্বামী-স্ত্রীর যৌথ নামে ভূমির মালিকানা স্বত্বের দলিল/কবুলিয়ত সম্পাদন, রেজিস্ট্রি ও নামজারী।
- (৪) আশ্রয়ণ গ্রামে পুনর্বাসিত পরিবারের সদস্যদের প্রাথমিক পর্যায়ে ৩ মাস মেয়াদী ভিজিএফ সুবিধা প্রদান।
- (৫) পুনর্বাসিত পরিবারসমূহের জন্য সম্ভাব্য ক্ষেত্রে কমিউনিটি সেন্টার নির্মাণ, মসজিদ নির্মাণ, কবরস্থান, পুকুর ও গবাদি পশু প্রতিপালনের জন্য সাধারণ জমির ব্যবস্থা।
- (৬) পুনর্বাসিত সদস্যদের জন্য ব্যবহারিক ও কারিগরী প্রশিক্ষণ প্রদান এবং প্রশিক্ষণ শেষে তাদের মধ্যে ক্ষুদ্র ঋণ বিতরণ।
- (৭) আশ্রয়ণ প্রকল্প গ্রামে পুনর্বাসিত সদস্যদের নিয়ে সমবায় সমিতি গঠন, সমিতি নিবন্ধন এবং তাদেরকে সম্মানজনকভাবে নিজেদের সমস্যাসমূহ সমাধানের প্রয়াস চালাতে উদ্বুদ্ধকরণ।
- (৮) প্রকল্প গ্রামের ৬ থেকে ১৪ বছরের ছেলে-মেয়েদের নিকটবর্তী প্রাথমিক বিদ্যালয়ে/কমিউনিটি সেন্টারে কমিউনিটি বিদ্যালয়ে ভর্তি হওয়া ও সেখানে লেখা-পড়া করা নিশ্চিতকরণ এবং বয়স্কদের স্বাক্ষরতার নিশ্চয়তা বিধান।

প্রকল্প বাস্তবায়নে বিভিন্ন ধাপসমূহ

- প্রকল্প বাস্তবায়নের জন্য নিষ্কর্ষক খাস/দানকৃত/রিজিউমকৃত জমি নির্বাচন;
- নির্ধারিত ফরম পূরণপূর্বক প্রকল্প প্রস্তাব প্রস্তুতকরণ;
- উপজেলা আশ্রয়ণ বাস্তবায়ন টাস্কফোর্স কর্তৃক প্রস্তাব অনুমোদন;
- উপজেলা আশ্রয়ণ প্রকল্প টাস্কফোর্স কর্তৃক অনুমোদিত প্রকল্প স্বাক্ষরপূর্বক জেলা টাস্কফোর্স কমিটির নিকট প্রেরণ;
- সশস্ত্র বাহিনী বিভাগের প্রতিনিধি এবং জেলা প্রশাসন কর্তৃক যৌথ সার্ভে পরিচালনা;
- জেলা আশ্রয়ণ প্রকল্প বাস্তবায়ন টাস্কফোর্স কর্তৃক অনুমোদন;
- সংশ্লিষ্ট সকলের স্বাক্ষর গ্রহণপূর্বক প্রকল্প প্রস্তাব আশ্রয়ণ প্রকল্প, প্রধানমন্ত্রীর কার্যালয়ে প্রেরণ;

- আশ্রয়ণ প্রকল্পের কর্মকর্তাগণ কর্তৃক প্রেরিত প্রস্তাব পরীক্ষাকরণ;
- মাননীয় প্রধানমন্ত্রী কর্তৃক প্রস্তাব অনুমোদন;
- প্রকল্প বাস্তবায়ন কমিটির মাধ্যমে প্রকল্পের মাটির কাজ সম্পাদন;
- প্রস্তুত প্রকল্পস্থানে সশস্ত্র বাহিনী কর্তৃক ব্যারাক নির্মাণ;
- নির্মিত ব্যারাক উপজেলা প্রশাসনের নিকট হস্তান্তর;
- উপজেলা প্রশাসন কর্তৃক কমিউনিটি সেন্টার নির্মাণ;
- ব্যারাকে পরিবার পুনর্বাসন;
- উপজেলা নির্বাহী অফিসারের তত্ত্বাবধানে সমবায় অফিসার কর্তৃক ০৩ দিনের ওরিয়েন্টেশন প্রোগ্রাম এবং যুব উন্নয়ন অধিদপ্তরের মাধ্যমে ১৪ দিনের পেশাভিত্তিক প্রশিক্ষণ প্রদান;
- প্রকল্প অফিস, জেলা প্রশাসন ও উপজেলা প্রশাসনের কর্মকর্তাগণ কর্তৃক বিভিন্ন কার্যক্রম নিয়মিত পরিদর্শন।

উপকারভোগী পরিবার বাছাই

- প্রকল্প গ্রহণের পূর্বেই উপকারভোগী পরিবার বাছাই করতে হবে।
- সকলের সম্মুখে খোলা মাঠে উন্মুক্ত পদ্ধতিতে পরিবার বাছাই করতে হবে।
- বাছাই প্রক্রিয়ায় তাদের বর্তমান অবস্থানস্থল সরজমিনে পরিদর্শন করতে হবে।
- ব্যারাক হাউজে বাস করতে আগ্রহী কিনা তা জানার জন্য উপকারভোগীদের বিদ্যমান ব্যারাক হাউজ দেখাতে হবে এবং প্রস্তাবিত প্রকল্প স্থানে উপকারভোগীরা বাস করতে আগ্রহী কিনা এই মর্মেও তাদের লিখিত মতামত গ্রহণ করতে হবে।

২. ভূমিহীন পরিবার বাছাই নীতিমালা

(কৃষি ও অকৃষি বাস জমি ব্যবস্থাপনা ও বন্দোবস্ত নীতিমালার আলোকে)

ভূমিহীন পরিবার বাছাই প্রক্রিয়া

- (১) ভূমিহীনগণ উপজেলা কৃষি খাসজমি ব্যবস্থাপনা ও বন্দোবস্ত কমিটির সদস্য-সচিব সহকারী কমিশনার (ভূমি) এর নিকট সরকার কর্তৃক নির্ধারিত ফরমে দরখাস্ত দাখিল করবেন।
- (২) সদস্য-সচিব প্রাপ্ত দরখাস্তগুলি ইউনিয়ন-ওয়ারী বাছাই করবেন।
- (৩) প্রাপ্ত দরখাস্তসহ উপজেলা কমিটি প্রতিটি ইউনিয়নে বৈঠকে মিলিত হবেন। এ সময় আবেদনকারীদেরকে কমিটির সামনে হাজির করে জিজ্ঞাসাবাদ ও পরীক্ষা-নিরীক্ষার মাধ্যমে প্রাথমিক বাছাই করবেন।
- (৪) প্রাথমিক বাছাইয়ের পর উপজেলা কমিটি প্রয়োজনে সরেজমিনে তদন্তক্রমে আবেদনকারীর আবেদনের সঠিকতা যাচাই করবেন এবং এভাবে চূড়ান্ত ও প্রকৃত ভূমিহীন পরিবার বাছাই করবেন।
- (৫) আবেদনকারীকে সহজে বাছাই ও পরীক্ষা-নিরীক্ষা করার সুবিধার্থে আবেদন পত্রের সাথে সংশ্লিষ্ট ওয়ার্ড মেম্বর/চেয়ারম্যান কর্তৃক সত্যায়িত ২ কপি ফটো জমা দিতে হবে এবং আবেদনপত্রে তার স্থায়ী ও বর্তমান ঠিকানা সঠিকভাবে লিপিবদ্ধ করতে হবে।
- (৬) আবেদনপত্রের সাথে স্থানীয় ইউ.পি চেয়ারম্যান কর্তৃক প্রদত্ত নাগরিকত্ব সার্টিফিকেট জমা দিতে হবে।
- (৭) একই পরিবারের একাধিক সদস্যকে জমি দেয়া যাবে না।
- (৮) জমি স্বামী-স্ত্রী দুইজনের যৌথনামে প্রদান করা হবে। তবে বিধবা বা বিপত্নীক এর ক্ষেত্রে একক নামে দেয়া হবে।

অশ্রবণ-২ প্রকল্প ভূমিহীন, গৃহহীন, ছিন্নমূল মানুষের আর্থ-সামাজিক উন্নয়নের লক্ষ্যে গৃহীত কর্মসূচি। জমি ছাড়াও এ প্রকল্পের অধীনে যেহেতু প্রত্যেকের জন্য আলাদা ঘর, প্রশিক্ষণ, ঋণ প্রদান এবং অন্যান্য কার্যক্রম জড়িত সেহেতু উপযুক্ত প্রক্রিয়ায় নীতিমালার আলোকে সুনির্দিষ্টভাবে মানুষের অভাব, প্রয়োজন, খাস জমির সংকট ইত্যাদি বিষয়ের প্রতি বিশেষ লক্ষ্য রেখে ভূমিহীন পরিবার বাছাই করতে হবে।

ভূমিহীন পরিবারের অগ্রাধিকার তালিকা

যে পরিবারের বসতবাড়ি ও কৃষি জমি কিছুই নেই, কিন্তু পরিবারটি কৃষি নির্ভর অথবা দিনমজুর (Daily labourer) তাকে ভূমিহীন পরিবার বুঝাবে।

অশ্রবণ-২ প্রকল্পের গৃহ প্রাপ্তির ক্ষেত্রে নিম্নবর্ণিত বিষয়গুলো বিবেচনায় রেখে ভূমিহীন পরিবারের অগ্রাধিকার তালিকা তৈরী করতে হবে।

- (১) দুঃস্থ মুক্তিযোদ্ধা পরিবার।
- (২) নদী ভাঙ্গা পরিবার (যার সব জমি ভেঙ্গে গেছে)।
- (৩) কৃষি জমি ও বাস্তুভিটাহীন পরিবার।
- (৪) অধিগ্রহণের ফলে ভূমিহীন হয়ে পড়েছে এমন পরিবার।

- (৫) পরিবার প্রধানের বয়স সর্বোচ্চ ৫০ বছর হবে। তবে এক্ষেত্রে উপজেলা আশ্রয়ণ-২ প্রকল্প বাস্তবায়নে টাস্কফোর্স কমিটি নানাদিক বিবেচনা করে এর পরিবর্তন করতে পারবেন।
- (৬) প্রয়োজনে কৃষি ও অকৃষি খাস জমি ব্যবস্থাপনা ও বন্দোবস্ত নীতিমালা শিথিলযোগ্য।
- * কেন্দ্রীয় উপদেষ্টা পরিষদ কর্তৃক ২১/০৫/২০১৩ খ্রীঃ তারিখে “ভূমিহীন পরিবার বাছাই নীতিমালা” অনুমোদিত।